

後

鑒

錄

西河合集

後鑒錄

卷一

武年賊陳未定唐賽兒宣德年諸賊  
夏旭葉宗留鄧茂七黃蕭葵藤縣胡趙成  
劉千斤李翳子寶龍洞賊石城土達清

卷二

河北賊劉六劉七趙風子等四川羣盜劉烈  
藍五等方四廖麻子喻老人江西華林東  
鄉靖安大帽山諸賊桃源洞萬年縣新民

卷三

橫木左溪桶崗三寨利頭寨彬桂賊馬平  
賊王堂山西青羊山賊

卷四

海賊良瑤 田斌妻 師尚諒 廣東賊張連等

吳平 曾一本 大足賊 萬羊山賊 呂種

巢賊 樵民 林浣梁 梅堂 郭汝國 天慶年

諸賊 艾山賊

卷五

李自成

卷六

張獻忠

卷七

海賊劉香考 顧榮 廣東山賊 山東賊李青

山 袁時中 劉超 徐陽蕭之賊 河南諸寨

許都 湖南天王寺 牛寨 候寨 高篠 源業 徐源

盜賊 河上孟三

西河合集

蕭山毛奇齡

字大可  
稿

王培生公藏  
校

後鑒錄一

自古治政失而莠民起世鮮淳剛則負乘致寇何代  
蔑有然大抵開國草昧不過如東海呂毋瑯琊子都  
之屬而迄乎既衰黃龍白波因運竊發流浸滋稍  
費驅殄卒未有初起探丸既成斬木而國家大命卽  
于此操搆如有明二百餘年間者或謂全代規模定  
于創始成祖尅意繕寒整軍飭旅窮邊絕幕其神明

區畫全在乎是故終代雖多邊患而尤不以是喪其  
國步至若中原小寇藐朕不問卽末樂初年廬陵縣  
民嘯聚劫殺第敕都督韓觀諭使散去而大寧桂林  
諸盜其屢降屢叛如韋香等已經兵部叅奏而降敕  
部院以爲天下無事不常用兵故廣東賊鍾均道自  
建文時弄兵延至末樂譌傳已死而唐賽兒餘黨名  
爲撲滅究之賽兒翻未授首貽謀不靖遂致丹毒故  
遷延一十七朝薇苻草竊渭渭不絕而其後頓成江  
河之勢成敗之相形分于畸重然乎否與夫安邊禦  
寇原與軍政相表裏明初兵力在邊而各省衛所半

係召募行軍之際。僅屬之都司職掌。凡布按以下。輕  
爲弁官。不肯相下。而一當無事。便置若疣。贅都司本  
非干城。卽衛所武士。皆無紀律。步伐可當禦侮。雖新  
設巡撫。互相筦轄。而行移體統。間又多齟齬。故盜賊  
起卽易聚。而聚卽難散。縱其後勢不得已。或間用禁  
兵。而旣而禁兵亦弱。卽間用邊兵。而旣則邊兵亦弱。  
夫至邊兵弱。而事不可問矣。且邊兵弱。則邊事倍亟。  
雖力足勦賊。亦左支右吾。不能兩用。况乎其本弱也。  
然而正嘉之際。盜賊尤劇。兵力之弱。見于此。時頗卒  
能遏絕亂略。以返于清平。時則咸寧新建輩。實克勘。

之則豈非明之多盜賊以明之無兵而明之亡則又以明之無人也與昔建溪謝給舍作後鑒錄大抵輯明代治盜始末定爲爰書以示鑒戒語曰前事者後事之鑒蓋致寇得失正有國所宜鑒也予少丁喪亂往往承故老舊聞由闕獻而上遍採二百餘年間所記羣盜彙積成帙將以備史文之擇而承乏編纂頗見搜錄則殷鑒在前毋庸再諱因仍存故本而襲以給舍所錄舊名曰後鑒錄亦曰夫猶是當日之爰書焉爾

洪武十四年程鄉縣羣盜起南雄侯趙庸帥兵擒斬

賊首僞萬戶饒陸海等一百五十人其年冬延安侯  
唐勝宗帥兵討衢處溫山賊擒賊首吳達二葉丁香  
及其黨四千八百人盡殲之嗣後有何迺有高福興  
田九成僧人李普治皆能殺知縣抗官軍攻城略地  
然隨起隨滅此皆洪武年驅除後初起之賊

末樂初有龍溪民陳未定負險爲寇略傍縣累歲不  
能制知縣劉孟雍以計掩獲之雍南昌人他賊惟鍾  
均道爲劇然出沒無定形或云鍾道死至十八年而  
山東有唐賽兒

唐賽兒者蒲臺民林三妻也兒時能刻紙爲人馬使



戰鬪自號佛母預言成敗事頗驗往來益都安丘卽  
墨壽光諸縣相煽誘奸民董彥杲爲號召諸衆得五  
百人據益都卸石棚寨青州衛指揮高鳳領兵捕之  
敗績都布按三司遣人招撫卽殺招撫者未幾十八  
年上敕安遠侯柳升勦之賊詐遣乞降云寨中食盡  
且無水升往據東門汲道而賊夜西出襲官軍營殺  
指揮劉忠升急追擊獲賊黨劉俊等男婦百餘而賽  
兒竟遁賊黨賓鴻攻安丘官軍不能敵有備倭都指  
揮衛青聞安丘圍急率千騎晝夜行奮擊敗之賊將  
餘衆再戰城中人亦鼓譟出擊賓鴻遁去殺賊二千

餘人生擒四十人皆斬之既而柳升至青迎謁升怒其專制擄山之青不爲屈而是日蕭山衛指揮王貴亦擊賊于諸城殺賊盡上乃下升獄而令捕賽兒久不獲慮難髮爲尼或混處女道士中盡述山東北京尼及天下婦女之出家者先後數萬人後果于尼中捕得之初賽兒夫死祭墓回經山麓見石罅露石匣角發之得妖書寶劍遂通曉諸術劍亦神物惟賽兒能用之至是捕得將伏法怕然無懼色裸而縛之臨刑刃不能入不得已復下獄三木被體鐵鈕繫兩足俄皆自脫遁去自三司以下及將校諸官皆以失寇

死而賽兒不知所之

深陽人錢質死而復生見李老君曰子福人也可以  
圖大事遂聚衆反宣宗命襄城伯李隆捕斬之其傳  
宣德年諸賊前後討平者有慶遠韋敬曉青田陳才  
末新蕭彥真會昌朱南鵬及妖僧李舉等

夏旭與隣人爭田格鬪爲飛瓦所中大怒呼莊丁圍  
其家殺二十五人官役捕之殺官役旭末豐人永豐  
縣丞以百人往諭不聽且執丞撻之而醉以酒縱之  
歸其語丞自稱都督捐子弟曰是皆捐揮官宣德九  
年上聞奏曰此狂人耳遣刑部侍郎魏源諭之而令

都督任禮率禁兵五千隨其後曰假僞強者繼以兵  
加果僞強兵隨至故匿其精銳而以屏卒擾其前旭  
笑曰是紙人馬耳忽精兵自後排柵入縱火旭從烟  
焰中鼠竄被縛梟于市

慶元葉宗留曾於正統初與麗水陳善恭盜福建寶  
峰塲銀坑有司捕治不獲至十二年遂大聚衆掘少  
陽坑數日計所獲裁給口食棄去復率衆之雲山徧  
掘諸坑塲無所得還慶元居數日更往政和掘少亭  
坑亦如之乃慷慨謂其徒曰以吾之衆印攫金子市  
何所不得乃至疲絕壑捐生命給此口食豈吾數百

人中無一人宜富貴者哉遂掠政和縣而還慶元號  
名得數千人拜龍泉長葛山人爲教師教以武藝由  
浦城刼建陽所過焚掠從者曰益衆乃攻下建寧府  
殺參政張瑛橫掠車盤嶺諸險官軍無如何其明年  
福建沙縣有邵茂七者本江西人亡命入福建至寧  
化依豪民陳正景聚衆數百人反先是巡按柳華橫  
州縣疑什伍保甲茂七與弟茂八皆編爲甲長嘗伺  
人田例輸粟主家茂七獨令田主來領粟去田主訟  
之官官令織茂七來茂七不受縛乃下巡檢勾攝之  
茂七殺官軍并殺官軍之追捕者烏合數萬人自謂

閩王與陳正景劫上杭還攻汀州正景爲推官王得  
仁所殺而茂七黨盛不可制乃據柘關劫商旅陷光  
澤邵武順昌諸縣會福建總政朱彭倚中官勢貪黷  
民不堪命尤溪蔣福成反襲尤溪據之與茂七聲相  
聞遂同剗州縣至延平御史丁瑄遣同知鄧洪帥官  
軍勦之盡殲官軍二千人人丁瑄乃遣使招諭約免死  
茂七笑曰吾未中死法而煩預爲我免之何也愛使  
者據延平之沙縣更稱剗平王設官屬而御史張海  
初至延平統兵四千人往勦至雙溪口道隘城二十  
人伏村店兩傍俟兵過且盡有都指揮後殿將至賊

伏猝起舉排柵塞路縛都指揮前驛不得返遂殺都  
指揮及從兵數千人前驅還樂勝砦山拒衆賊而下  
官軍大潰乃進攻延平都指揮范其彭璽俱戰死御  
史以聞上乃召都御史張楷偕都督劉聚陳榮討賊  
張楷師至浙浙撫請楷先擊葉宗留而後入福建乃  
陳斬宗留楷未知也時陳榮亦戰死楷入延平會茂  
七破泉州殺知府熊尙初勦久無功詔寧陽侯陳懋  
爲征南將軍統保定平江二伯及都督尙書太監等  
合兵進討亦不利張楷乃陰致賊黨黃季羅汝先爲  
間謀誘茂七攻延平設伏挑之佯敗賊乘勝渡浮橋

薄城關廂伏發礮作合擊之大敗茂七中流矢死斬其首露布以聞餘賊猶擁茂七兒子鄧伯孫與女賊廖氏僞號女將軍者聚後洋廖氏歐寧人妖淫善劍尤驍捷初以禦賊被肉爲伯孫婦至是亦出戰平江伯陳豫指揮王鉞勦獲之賊平張楷乃班師經浙復勦處州賊陶得二麗水賊陳鑒湖等皆誘降急詢葉宗留所在始知前陣斬緋衣者卽宗留也先是宗留據車盤時得二以數千人歸宗留而鑒湖與宗留同爲鎮賊殺叅議竺淵忽與唐其等四百人以紅袂裹首奔附茂七得二攻處州殺都指揮沈鐸叅議耿定



僉事王晟副使陶成而鑒湖掠福浙江西諸境我都  
指揮吳剛都督陳榮知縣鄧顥推官王得仁指揮龔  
禮卽楷所統兵如韃靼回回諸勁旅皆以征二賊殺  
傷殆盡至是宗留茂七死用間諜誘之始歸命籍其  
黨凡九千餘家男女各二萬餘口後景泰改元侍郎  
孫原貞以福浙界多盜請併浙界麗水青田二縣置  
雲和宣平景寧三縣而增福界置永安壽寧二縣  
黃蕭養者南海冲鶴堡人也以行劫械都司獄中踰  
年所臥竹床生枝葉果成異之曰此瑞徵也時同禁  
重囚數百人皆山海盜蕭養陰相結賄獄吏飲酒得

攜物出入禁稍疎遂藏斧燔鵝中內之而伏其黨獄  
門外至夜脫聚囚械出之斧破獄門大呼內外響應  
如數千人者劫軍器局得兵仗挺而走諸司各壘石  
拒門不敢動遂開城出奪船屯于縣東之橋村近萬  
人正統十四年八月間廣州總兵官安鄉伯張瑄以  
醉戰舟中溺死而都指揮僉事王清從高州來援至  
沙角尾水淺舟膠賊載柴小艇若魚鹽者伴避賊奔  
逃近舟清問賊何在賊從柴中應聲曰在是遂縛清  
以刃脇之跪廣州城下使呼啟門千戶錢惠出城頭  
罵清賊移清跪他所呼如前惠又援弓射之賊前清

無用殺清賊初起無械至是得官軍火鎗諸器勢益振據五羊驛爲行殿僞稱順天王改元東陽署其徒都督指揮等官乃以舊叅議楊信民有德于民廷議遷信民撫廣諭諸賊賊已約降而信民驟死詔遣都督董興出勦益以廣西江西兵賊圍城八閱月方造雲梯呂公車將攀堞上而援兵適至時天文生馮軾隨行占時曰進兵夜見賊星墜南岸軾喜曰破賊必矣遂逆戰于大洲頭果大破之殺溺萬餘人蕭養中流矢死梟其首其餘僞總兵五府都元帥慶國公曾賢等百餘人並伏誅惟黃公麗南竄引山獍海寇爲

亂陷欽州降于交趾董興駐廣城不出禦遣都指揮  
杜信與戰死之參政謝祐副使項忠復遣指揮張通  
出戰亦不勝于是以王勣總督諭撫輯廉而自勣而  
後曰馬昂曰葉盛皆有戰功然隨壞隨熾及韓雍大  
征至用兵二十餘萬而其禍始息當是時去蕭牆之  
死已十七年矣

天順四年八月藤縣民胡趙成因事充軍遇革遣妖  
言搆集山賊攻陷諸縣治燒劫官解殺劫諸軍民仿  
商縛寶家審巡檢而解其印廣撫葉盛統縣政范信  
副使雷復都指揮韓瑄指揮張錦王銘諸官兵擒斬

成等三十三人賊平

鄖陽大盜劉千斤以成化二年反先是鄖地多山道  
積盜明初鄖愈以大兵勦元世山賊空其地禁流民  
不得入正統中歲飢飢民徙入不可禁久之至數十  
萬千斤在其中千斤名通河南人多力手舉西華縣  
治門石歌重千斤因號千斤曾住房縣與妖僧尹天  
風往來已有密謀而是年石和尚卽石龍與劉長子  
苗龍苗虎者刑牲將舉事千斤遂要之同反踞大石  
巖樹黃旗拜石和尚爲謀主攻掠河南南陽關西至  
漢沔東至新黃皆散據其地稱王僞號漢建元德勝

署將軍元帥諸官尚書自主撫軍伯朱永督諸軍進討至南漳湖廣總兵李震以土兵來會乃先分兵由間道出賊後而後以大軍臨之賊數萬迎戰楊永病圭督震分兵截勦大破之生擒勦千斤藍苗等二千八百七十餘人陣斬二千五百六十餘級所獲賊屬子女計一萬一千六百餘口馬畜無算而劉長子石和尚遁去既而未病愈更帥兵搜餘賊而石和尚復西出繞劫巫山大昌諸縣殺夔州總判王棟復張甚圭遣參將官信指揮張英誘長子縛石和尚降磔之遂班師其後餘黨有常通王靖張右英張剛等六

百餘人皆以次就擒而李勣子取烈

李勣子新鄭人名原高居業縣能到千斤及千斤散  
勣子與王彪走免糾合餘賊小王洪石至勝往來南  
漳內鄉渭南重號各飢民至數萬人僞稱太平王立  
一條蛇坐山虎名號官軍戰不勝成化七年都御史  
項忠全李震進討先張榜招飢民使棄賊自歸而後  
謝永順保靖土兵大殺賊擒李勣子于竹山縣餘黨  
俱俘斬殆盡其招集飢民得檢籍出山者共九十三  
萬八千五百餘口而洞處賊中俘斬者無算忠遂以  
多殺被謗其後祭酒周洪謨著流民說其略曰昔修

地理志見東晉時廬松之民流至荊州乃僞置松滋縣于荊江之南陝西雍州之民流聚襄陽乃僞置南雍州于襄西之側其旣松滋遂隸于荊州南雍遂併于襄陽此前代處置流民之成法也今之流民百倍于昔而鄖陽曠土常湖廣河南陝西之界漢山大谷所在燔聚今使聽其近縣者附藉遠縣者設州縣以撫之置官吏編里甲寬徭役而流民皆齊民矣都御史李賓上其說而北城兵馬史曰文會復條上三事一則荆襄地饒流民附籍則給以土田一則流民襁處防禦恐疎當鎮以軍衛一則鄖陽上游地廣山僻



當多設府縣於總隘之處以互相統攝上命都御史  
原傑經略其地且盡採諸說行之乃開設鄖陽府置  
湖廣行都司衛所及縣以處流民得九萬六千餘戶  
兼設巡撫而制竹山地置竹溪縣制鄖津地置鄖西  
縣其在河南則制南陽汝州唐縣地置南召桐柏伊  
陽三縣而陝西析商縣地爲商南山陽二縣又以商  
縣爲商州使所攝流民各有屬

寶龍廟賊楊輝者羅劉寧餘黨也劉寧攻程鄉爲官  
軍所殺而輝逃安遠聚衆數萬于嶺北界上時征大  
藤峽官軍遠調不及勦討而愈大副使毛吉曾以勦

賊有功於成化收元降旨凡有賊地方收吉同總兵  
巡撫三司督調官民人等相機勦捕其領軍官員有  
不聽調遣者得巡問治而巡撫以下謂吉副使任過  
重忌之凡前後調遣故不應吉自料民壯并旁近所  
兵得千人而海康縣知縣王麒請從遂攻破寶龍諸  
峒搗其巢且追殺餘賊于雷廉惠韶諸處至雲岫山  
以深入無援戰死吉遂遇害然賊亦勦盡廣州民  
立祠思之曰可憐雲岫山

土達滿四故元平涼衛萬戶把丹孫也洪武中把丹  
來附授平涼千戶散其部落于開城諸縣號土達成

化初李來毛里孩犯塞土達李俊者畏其殺略獨以  
羊酒奉李來李來喜賜之馬俊遂心動致仕都督張  
春畜牧鳴沙洲土達張把腰偷其畜奉聞于巡撫而  
縣民迎衛者匿滿四所巡撫并下吏徵平涼指揮滿  
璫捕張把腰滿四而滿璫者滿四侄也相持倉皇間  
會參將劉清新到官指揮馮傑歛土達金錢爲餽官  
儀李俊率歛頭悻悻到四家惡言激四使劫璫爲亂  
四遂劫璫殺其聚號召土達于成化四年六月奔石  
城石城者唐吐番石堡城也太平涼千里在萬山中  
四面斗絕無徑懸繩而登山西頂不可容數千人而

環以塼牆高二三丈顧乏水山隙有石甃可鼓甃當  
棧道棧外築小城護之前臨危坡高數仞如拱壁者  
而凡山面背左右悉築城高二丈五尺各留小門僅  
容一騎環城皆亂山形甚惡昔人所稱石堡險固非  
數萬人勿克者滿四營圍獵至此美其地又先此營  
掘地得前代行帥府印以爲瑞至是據之滿四名招  
賢王李俊名順理王攻固原李俊戰死劉清自靖鹵  
來戰不利四益糾降德靜寧會寧諸土達至萬人遷  
撫陳价與鎮監黃泌寧遠伯任壽合都指揮邢瑞申  
澄率各衛軍往攻戰于城下復不利殺傷指揮王震

等二百餘人遂命副都項忠都督劉玉都指揮夏正發京營神鎗官軍五千并討甘涼延綏寧夏陝西軍共五萬往討未至陳价任壽者耻已之敗而又忌項忠與延綏兵得專其功適寧夏總兵廣義伯吳琮先至卽邀琮自固原趨蔡祥堡夜二鼓軍壘甫定比曉卽出兵去石城十里賊數千出迎請降有軍校馬信知兵言于陳价曰賊巨剗然我軍力疲未足戰不如姑聽彼稍休徐議攻討吳琮此不可遽麾兵進賊遁去至城驅牛羊數千在前而精兵後出時尚無兵仗持木梃聞官軍大敗任壽吳琮俱退保東山陳价欲

自殺左右救免時賊截靖寧掠奪甘肅糧運聲言窺  
陝項忠至并救陝撫馬文升協勦先于營外得賊書  
求宥罪長居石城衆知爲詐乃圖其山谷形狀分七  
路進兵忠與文升劉玉屯中路由莽金佛溝進延撫  
王銳參將胡愷由李俊溝進伏兔伯毛忠由木頭溝  
進參將夏正由亂麻川進都指揮姜成由墨城子進  
副將林盛由好水川進都指揮張英由驢母川進賊  
迎敵延綏兵失利毛忠先登奪諸峰要害斬獲甚衆  
忽中流矢死朝議洵洵忠文升合計日夕賊窮賊  
素信神神降曰戰決于今日勝則利不則斃不勝賊

大懼請降忠但納滿璫而餘不許賊猶豫復上山請  
戰忠乃劫賊將楊虎狸爲內應解所束金鉤賜之遂  
擒四後賊復立舊達官火敬爲主忠進戰火敬走時  
滿四從子滿能寂號提與俱忠追捕誚之賊黨滿洪  
洪云火敬與能入青山洞忠用火燠之俱就擒遂刻  
平石城勒石壁紀功而還寂後簪帶山賊毛吟喇亦  
賊黨張幕鴈居越一年官軍勦擒之伏誅

西河合集

蒲山毛奇齡

字大可  
號名生稿

王瑞問王較  
邵賓柯亭較

後鑒錄二

正德四年畿南盜起時逆瑾用事瑾欲盜亟靖分遣御史甯杲股毅薛鳴鳳于天津真定徐淮諸處專事捕盜例御史出巡無家口至是許攜妻以減賊爲限鳳鳴至歸德挾守備會飲聚娼歌舞詔謫爲徐州司手殺在天津不事事獨甯杲奏立什伍巡坐法盜賊捕獲無遺日每械盜入真定用樂部前導饒吹金鼓



不絕于耳。遂進果食。都仍捕盜。先是霸州文安縣大盜張茂家有重樓複壁。多穿窟穴。同時劉六劉七李隆楊虎齊彥名邢老虎輩皆附之。內官多文安人。茂善賂。隣有北城張氏爲太監張忠族。茂謬爲已族。兄事忠。嘗因忠家人入豹房。觀上蹋鞠。意自得。河間參將袁彪數敗賊。茂籍爲求解于忠。忠置酒私第。召彪與茂東西坐。舉酒屬彪。彪字茂曰。此彥實吾弟耳。無相訾也。又舉屬茂曰。袁將軍與爾好。今後爾毋擾河間。彪畏忠不敢誰何。及甯梟至。惡之。密遣巡捕李主簿作爲優人。彈琵琶入茂家。具得其奧。突率曉健就案。

掩擒之鉄折其兩股載歸餘賊走乞忠忠與谷大用  
爲請于上將下赦而瑾家人梁洪索金不嘗劉六劉  
七相顧謀須轉劫近境以足其數會楊虎燒殺官屏  
發覺六七知事敗散去涿州州官募其能召六七協  
捕有功御史蔣瑞亦賞之或勸瑞并絕禍本二人聞  
颺去果仍圖形捕二人抄其家繫繫其妻子二人窮  
蹙會瑾誅果亦被劾二人邀楊虎走附畿南容白英  
招其黨攻破安肅縣劫取繫獄盜黨齊彥名旬日間  
得衆數千而于是有趙風子

趙風子名鏐朔州文安縣增廣生也有力任俠好大

言類風狂者因號風子劉六攻文安鏐率妻子避賊立水中賊拽妻出水將汗之鏐怒挾巨石撲殺二賊仍拽妻立水中劉六至壯之說使降鏐心動與弟鐸竊謀曰今當勉爲賊固已但毋爲人後吾先聚百人應之與之角立倘事成可指名也於是號召得五百人與六七會河間指揮李瑾統京營千人往討不能勝賊受風子教弟慶忽去來無常處使官軍奔命凡得民間馬一日夜馳數百里捷如颶風而官軍馬少卽有亦不能窮馬力尚書楊一清建言推用大將及文臣有才望者提督軍務乃命惠安伯張偉都御史

馬中錫統禁兵出戰而本兵何鑑奏禦盜事宜請築  
城濟陞選補軍餘錄民間武勇勿使資盜而鄉村聚  
保甲團練且設兵隘口防其奔逸其所條奏俱鑒鑒  
可行而俾統袴纓賊中錫書生主招撫翻致大訐自  
河間會後連攻博野饒陽南宮無極東明及深冀開  
定諸境大肆殺掠遂從濱州臨朐臨淄昌樂日脩藩  
塞武城陽信曲阜及泰安州所過無不下者乃分賊  
爲二趙鳳子劉三邢老虎楊虎分掠河南名河南賊  
劉六劉七齊彥名分掠山東名山東賊然縱橫莫定  
所破畿南山東河南南直諸府州縣反覆蹂躪有一

縣四五至者所至輒下如無人然大抵賊俱起畿內  
侍馬力馳驟不佔城郭不立方所每戰驅脅從居前  
呼噪衝突聽其勝敗以爲笑樂然後自飭其精騎覘  
勢進退莫可控揣且官軍利賊賂多縱舍指揮桑玉  
嘗遇賊文安村賊失隊六七匿民家高樓欲自到玉  
故徘徊有頃彥名持大刀勝官軍敗斬者數十人至  
樓下彥名曰呼諸敗軍皆呼彥名曰賊至矣六七控  
弦出射數人去何鑑勅中錫與偉被逮是時諸賊破  
棗強縣殺知縣段牙屠戮寂慘乃命伏羌伯毛銳太  
監各大用兵侍陸完討賊而以邊將許泰祁末等

大用節制時劉七將窺京師駐霸州許泰迎擊之賊  
敗諸軍追擊至景州鑿橋賊大刼公路奔竄將趨渡  
小離河北而保定都司田彬指揮趙文出扼之敗績  
副將李璉遇賊于蒙山亦敗績賊復還楊虎趙風子  
得我軍神器盔甲及蟒衣兩人遂披蟒控馬列仗陽  
陽過泰縣風子爲下馬題詩而去先是賊破武定時  
傍縣皆下惟樂陵知縣許遠善守禦設伏殺賊賊畏  
之上擢遠僉事兵備武定至是賊從奉安濟寧而南  
歷破州縣燒運船劫倉庫執主事王寵淮安知府劉  
祥都指揮潘紳指揮陳鵬靈璧知縣陳伯安以及虹

縣虞縣知縣皆被執始釋而屢過武定不敢近于是聚白龍王廟將渡河武平衛百戶夏時扼之楊虎弱死賊乃推劉三為主稱奉天征討大元帥風子改名懷忠稱副元帥立五軍分二十八營應二十八宿各樹大旗爲號而劉六等覘谷大用毛銳駐臨清復擁衆至霸州將以十二月朔伺車駕出郊宮省牲犯驛賴何鑑密畫得不犯當是時劉六劉七齊彥名劉三趙風子邢老虎凡六渠各相約分掠以牽制官軍而官軍當之輒還竄雖前後報捷不下數十萬而指名諸賊無一殄者毛銳旣衰老屢敗而谷大用擁兵觀

望不敢戰。甚至銳臨陣奔逃。失所佩將印。而大用蔽之。不爲罪。其邊將冒功如江彬。白日殺冀州民三十人。以當賊級。而莫之敢問。是以賊日橫而軍政日益壞。劉三與風子攻陷上蔡。商水。西平。舞陽。葉縣。諸縣。殺知縣霍瑄。王佐。唐天恩等。被裕州殺都指揮詹濟。同知郁采等。而屠其城。然後轉掠襄陽。樊城。襄陽。隨州。新野。以漸入南境。嘗破寶縣。食事孫盤。賁黃榜。撫賊風子復書曰。羣奸在朝。禍亂海內。誅殺諫臣。屏斥元老。乞皇上獨斷。斬奸佞之首。以謝天下。然後斬臣首以謝羣奸。故其破泌陽。以不得手。刃焦芳爲恨。



取芳衣冠被庭樹斬之而發其祖父母棺骸至釣州  
以馬文升家在釣引衆去其假義如此七年春命遼  
東巡撫彭澤提督軍務以威寧伯仇鉞爲平賊將軍  
統延綏榆林兵勦賊澤大陳軍容責諸將退縮顧軍  
政論行法建勳鼓行而前諸將皆惕易旬旬請自効  
遂敗賊于河西縣斬二千級奪回馬騾器械無算風  
子奔鄆陵由新鄭鄭州至滎陽汜水偃師與劉三會  
河南府總兵馮楨戰死乘夜奔汝水復犯汝寧入潁  
州朱皐鎮官軍追勦之前後斬獲甚衆賊乃渡河過  
于河者五千人風了由光山六安州攻破舒城至桐

柏略馬爲知縣李聚所敗而總制彭澤督官軍敗風  
子于六安州斬獲四百餘追至定遠應山隨州連敗  
之仇鉞又敗賊于光山賊奔六安追至七里岡又追  
至桐柏時邢老虎病死李鉞爲劉七所殺張通陳翰  
皆降而劉三被射自焚土地坡爲官軍截首去獨鳳  
子走德安嘆事不成行至應山東化山坡下遇僧真  
安乞糲其鬚髮懷度牒與真安渡江入江夏磨虎店  
晚飯爲武昌衛軍人趙成所擒而六七彥名屢敗于  
邊將李鎡將北竄陸完調許泰郤未成釗連破之賊  
乃由文安而下至宿遷掠邳州之加中集遂由贛榆

過郟城復遇呂聚總兵劉輝遂擊之敗賊于勝縣又  
敗賊于郭家庄殺獲數千人賊且殺且走至魚頭集  
復敗之將奔海套陸完帥大軍與遇于古縣集時宜  
大鐵騎咸集合圍諸軍奮勇擊斬首二千三百殺傷  
三千有奇俘獲百餘賊衆殆盡而六七彥名獨挾騎  
三百潰圍走乃復由靈壁而西踰棗林渡郟騎能屬  
者纔三百人奔河南光山確山人湖廣棄馬登舟復  
得七百人駐兵武昌殺戮撫馬炳然爲湖北官軍所  
追風起檣折剝大死于水獨七與彥名仍糾水寇自  
黃州九江湖口彭澤以及安慶太平儀真鎮江所過

殘滅陸完乃統諸將下揚州斬退避指揮程鵬等將  
截海口而七至鎮江或泊通州之狼山或屯常熟之  
福山港遂凌駕江面縱橫上下通泰如舉咸被流劫  
乃復自通州泝江而上犯江西諸境復下通州游獵  
每謀自通泰登岸復還山東而揚州官軍拒之乃復  
自海門而上泝蕪湖采石凡三過南京莫敢抗又謀  
入海由張網海口深入襄河不果忽復自湖口九江  
而西寇南康進逼蘄黃光固聞謀登岸北行又不果  
乃復還泛九江安慶至石灰河江口遂往銅陵時陸  
完諸軍集江上都御史張縉王鎮豫爾俞諫及副將

時源等分兵守要害賊復返鎮江進掠常州殺知府  
李嵩還犯江陰殺縣丞余凌雲仍泊狼山下有舟三  
十餘衆六七百人陸完留仇鉞駐鎮江而訓劉暉邵  
末以舟師趨江陰賊率衆移攻通州暉復擊之賊入  
船是日颶風作賊狼狽甚復登山暉乘夜三鼓與邵  
末任璽竝進軍聲震天賊披靡走山嶺憑石垣控險  
鎗矢瓦石雨下暉末奮身前期以必殲皆戴盾膝行  
手施礮弩且上且戰奪其垣賊墜崖奔竄有下山趨  
船者船隘不得入暉反身逐崖下百矢齊發劉七投  
水死彥名斬首懸文宣李隆被擒先是風子覓獲時

有楊寡婦賊與劉七以百騎習利津僉事許遠擊敗之殲其騎于楊二庄而寡婦竟遁至是賊咸索寡婦所在不得及李隆解京獻俘與鳳子同訊午門云業山楊寡婦爲楊虎所鹵留其營虎死入劉二營三死與棗強小趙氏宿遷路氏安肅楊聰明隨諸賊展轉南徙獲于隨州螞蟥村今見在俘中寡婦固未嘗隨七卽七是時亦未嘗寇利津然後知向之所爲劉七楊寡婦者皆冒其名而假焉者也然則賊勢亦張矣風子曰凡吾爲此本欲斬佞臣數人而不能也後論平賊功封谷大寬爲昌平伯大寬者太監谷大用弟

陸未爲鎮平伯永太監陸閏弟餘各陞喪有差  
四川舊多賊先是成化中有廣安王未以行劫爲鎮  
巡所撫復不悛大劫攻掠城堡殺人發蓋戕而其後  
招之不得同時趙鐸者德陽人家貧貸錢賂知縣求  
本縣陰陽訓術知縣受其賂而不之與鐸益貧不能  
償所貸會怨家徐貴告鐸通賊縣捕之鐸曰作賊如  
王未尚不能捕何通賊之有遂殺捕及一時羣賊如  
天淵溝楊墳漢川僧悟昇花溪陳煥章連山河黃鶴  
子皆從之流劫銅陵內江及漢川德陽遷延至荆襄  
所至莫禦僞立趙王及安將軍席評事諸號殺知州

柴良如縣劉宣上道給事中重軒撫諭軒儒者通歷  
賊巢慰諭賊率黃應高等流涕示心腑名與飲食給  
券賊忻然有就撫者然率領參及安撫榜帖藏衣間  
爲護身符公然行劫軍民無如何未幾殺都督何洪  
指揮楊瑛始命襄城伯李瑾帥京營兵討之而鐸已  
先爲龍州土兵所殺于是斬餘賊蔓延未斷自正德  
四年起至九年止其在川東北爲藍廷瑞耶木忽廖  
惠在川南爲方四曹甫廖麻子喻老人而劉烈爲首  
劉烈眉州人匿保寧山中爲盜自稱舉人嘗劫漢中  
鞏昌還詐傳已死所至人相驚他盜多竊烈名字官



軍圖其形捕之懸重購至二千金官千戶終不可得  
烈死藍五起

藍五名廷瑞與耶本恕廖惠家保寧嘗拾古棄印山  
中怪之未幾又得一劍以爲瑞因名瑞而與本恕謀  
作亂號名得十萬衆自稱順天王稱本恕刊地王惠  
靖地王流劫鄖漢襄保新寧通巴諸處川撫林俊初  
請勦未報賊大証乃遣尚書洪鍾出討賊鍾徘徊漢  
中與俊捐盡多不合值廖惠破通江俊率官軍盤獨  
繼石砦土兵督戰賊大敗走至龍灘河半渡又擊之  
斬八百餘人溺死者六千有餘惠擒廷瑞本恕遁

仁壽方四爲同里王克備耕冒姓王避楊友之亂與  
江津曹甫遁於石阡之龍坪爲土官所逐無聊遂爲  
賊時重慶賊曹弼先有名人稱二曹賊二曹賊皆與  
廷瑞合曹弼寇綦江殺僉事王景廷瑞寇營山殺僉  
事王源獨曹甫者以元旦酣飲爲林俊所襲連破五  
營斬甫方四遁廷瑞乃大格流民從漢中入寧羗州  
遂攻略陽徽州成縣破其城殺千戶侯爵百戶毛割  
舍人郭玘等勢復振而曹弼敗死時上切責鑑令赴  
保寧與俊等合勦而廷瑞復自鹽亭劫都邊驛殺百  
戶賈雄及茂州知州汪鳳朝遂破梓潼魏城劍州殺

劍州判官羅明及義官王思政鄭廷祿當是時方四  
已流入貴州與別賊任翳子喻老人合至萬人已陷  
婺州龍泉坪焚烏江屯寨御史陳鎬調永順保靖土  
兵征之不利廷瑞趨江油將與之通而官軍還之還  
漢中值鍾與俊督大兵追勦而永順土舍彭世麟進  
圍之陝西界上會食竭賊出告世麟請還川聽撫世  
麟以告俊俊未應陝撫藍章在軍中遽令世麟護賊  
出陝境唯唯賊易之臨撫不至約曰待之東鄉金寶  
寺當至屆期復不至及至依山爲營廷瑞本怒居營  
中不出見弟使人來言欲得營山縣治安插或臨江

市駐其衆。常川見鍾許諾。未幾復曰。請以官爲質。而後見。鍾不得已。避洪中府通判葉賢。賢賊營。于是使人來言曰。可見矣。然先之以本恕。本恕至見畢去。然後廷瑞陽陽來請見。見則肆其言。不可聞。見畢。逕去。且降且劫。翼日劫松樹壩官軍。見不平。殺劫者賊。遂殺所質葉賢而焚其屍。會廷瑞欲奔畏世麟。詐以所擄女子爲已女。請結婚。世麟知其詐。陽許之。密白之軍門。且定期。邀廷瑞送婚。宴廷瑞。廷瑞辭以疾。鍾俊囑廷瑞所親鮮于金說廷瑞來赴廷瑞。乃帥本恕王金球二十八人同時至。至則伏兵盡擒之。賊。

大濟鎮俊遣諸路追勦擒斬及溺死不可勝紀而廖  
麻子遁初方四合任翦子麻六兒寇葦江官軍敗之  
追至東鄉捕撈壩又敗之賊乃從貴州還寇四川而  
廖麻子與之合時俊憂賊勢聯屬將復盛急遣降賊  
周大富招之不得而川撫高崇熙以方四家仁壽取  
仁壽賊屬入營撫四四殺其族屬不聽撫俊乃統副  
使李鉞督諸將分兵爲大哨由大壩小壩月壩進驟  
襲賊殺任翦子追奔三十里斬首千級生擒方四妻  
妾翼口賊還擊布妻妾去遁思南境上會俊與中軍  
不合乞罷許之蜀人哭送俊攀援不得而賊乃復還

攻梁山殺主簿時植并其妻至南川江津賊王長子  
應之破江津縣先是方四寇蓬州制府遣副使張敏  
詣賊營諭撫而張敏被執賁歸至是泚鎭以被劫名  
還乃命左都御史彭澤總制軍務同總兵時源指揮  
閻勲出勦已調土漢軍將戰而川撫崇熙憾土兵擾  
民原有賊脫髮軍截髻士兵又加剝之謠恐從此大  
征民益不堪乃于八年正月間兵未出時仍誘廖麻  
子聽撫遣副使張敏于開縣臨江市買田宅安置賜  
復三年上其事于朝將從之而賊反大誼執敏屠殺  
數百人時土漢兵悉罷遣無如何澤乃奏請急調延

綏寧夏慶陽固靖諸邊兵合得三千人方議勦民重  
被賊害而邊兵之擾民者且十倍于昔于是逮崇熙  
及敏以不俟朝命罷兵褫冠帶下獄鎮守三司掌印  
官皆戴罪殺賊而賊已遁誅逾半載矣澤乃統諸將  
力勦成都衛軍餘范藻覘賊勢作亂先平之而方四  
奔婺川爲僉事馬昊所敗變姓名潛行義官李清掩  
獲之送于官廖麻子奔羅江闖勦追及于劍州之青  
林口賊棄馬登阜俯而戰勦射之傷士把王臣以鐵  
爬擊仆斬首麻六兒赴水死獨喻老人從金堂出奔  
陳珣擊之于富村老人降旣而復遁或曰陳斬之于

竹木溝或曰老人善隱形臨戰墮于竹木溝遂不見  
以爲遁云時尚獲他賊賂峇祚僧伯定等

初江西建昌有醴原賊殺知縣范英不討而其後遂  
有桃源洞賊洞連餘干樂平安仁貴溪鄱陽山谷深  
險有王滑八者爲庫吏盜銀亡命據其中得衆數萬  
人僭號署官正德五年陷安仁縣巡撫王哲參政董  
村合兵三萬討之不利指揮秦勳與通判楊奎皆戰  
死乃起右都陳金以便宜統各省鎮巡及三司官以  
下調廣西田州土兵二萬人鎮安土兵一萬人進勦  
而是時南昌有華林之賊撫州有東鄉之賊南贛有



大帽山之戰

華林賊陳福一破瑞州南署府事通判姜榮家屬而  
參政吳廷舉食事茲敵勦靖安臨江諸賊皆失利會  
廣福流賊二千人連破永福樂安新淦諸縣執參政  
趙士賢知縣申惠索贖勢大詎獨廣東程鄉賊張士  
錦寇頓之安遠副使王秩通判徐珪購鄉民之與賊  
通者擒士錦以獻賊遁正德七年廷舉始破華林賊  
于巡河寨參議徐蕃都指揮陳潮士官岑猛岑瑩始  
破東鄉賊于熟塘南墩赤岸陞劉諸處然而華林未  
平而東鄉則生擒賊首徐珪五揭瑞一等陣斬一萬

一千六百七十三級俘獲七百五十餘人破二百六十五棚東鄉盪盡惟大帽未下是役也日兵功居多然而殺兩有難言者

大帽山賊以張時旺黃鏞爲首攻瑞金縣殺知縣萬琛賴撫周南拒戰于龍牙擒時旺而義民林富追黃鏞鐵坑斬之指揮金堂等又破其六寨斬二千三百四十八級俘一百八十八人而賊尚未靖

華林敗後賊黨尚衆有羅光權者更招集流散置十六寨復寇州縣殺人以累萬計按察使王秩副使周憲知府李承勲進勦前後敗賊于局州黃塘之間進

拔仙女寨踰雞公嶺擒斬合數千人遂薄華林時勦  
之三四年不靖意在速殄而周憲信謬言謂賊飢疲  
可乘勝撲滅遂深入爲賊所執遇害而其子幹以援  
父戰而死承勲乃陰招賊帥黃奇者置帳中令散諸  
賊衆而入爲內應至期承勲挾岑猛至山下選衆五  
百人銜枚登山賊營鼓三下舛睡黃奇拔重柵導衆  
入明火五百人奮刀砍內應者夾擊衆而馳賊潰亂  
不知所爲斬五千餘人蹂踐死者無算華林遂平而  
羅光權於是時跳去復不可得

陳金進兵搜大帽山獲賊何積欽并劉斌陳鳳球等

俘斬一千七百人時饒州有萬春山寨地廣且險可容十萬人夜聞金刀聲吐飲桃源洞賊王浩八將往據之陳金督兵遇其隘賊不得入乃遣董朴吳廷舉等各分據險要而抽目兵驅其後浩等蹶敗竹而進已斬賊首股勇十鄉成七等而浩八殺其搭所有罄賂士官遁去沿途棄老穉婦女殆盡行且饑至貴溪境得一飽轉掠徽衢間而目兵驕甚金藉其力不能制且上下皆厭兵遂因賊乞降許之號曰新民議設縣以居奏請立東鄉爲縣隸撫州并立萬年縣隸饒州抑新民其中金乃復討華林賊斬賊首羅光橫

及其黨胡念三等華林亦平。謂自此可無事矣。聞陞  
賞而浩八復叛。破萍鄉縣。吳廷舉禦之。被執。不敢害。  
留賊營。三月出之。金乃被劾。以副都俞諫代勦時。浩  
八劫弋陽上饒。聚復踰萬。遂入浙。開化。黃執同知楊  
磐等死者甚衆。總兵李鑑統兵禦之。而章仁者故石  
埭生員也。少習妖書。亡命與浩八合。至是在賊中。降  
賊茹七。知之。副使胡世寧僉事高賓遣茹七統二百  
人且勦且撫。而茹七殺去橫兵大略。執安仁縣官氏  
二女將汙之。不屈死已。而茹七復乞撫。撫已復叛。守  
臣不以聞。臨川民陳琦連章入奏。謂賊不盡滅不已。

于是仍命勦討賊已在浙都指揮白弘湖州知府黃  
衷軍馬金鎮叅將李隆僉事儲珊都指揮江洪嘉興  
同知伍文定軍華埠以禦之賊萬餘衝馬金破中軍  
執白弘去衷僅以身免復術華埠不動文定乃整軍  
擊敗賊追至孔埠斬賊首汪十二等二十餘級李隆  
儲珊由昇口搗其巢斬一百七十級遂乘勝夾攻隆  
當其前文定扼其後復斬四百級而江洪以深入被  
執然賊勢已衰踰嶺還江西仍之撫且挾弘洪  
爲贊按察使王秩許之令知縣龔淵等送之桃源復  
叛縱兵大略時建昌千戶鄒俊戰于七公鎮暴雨休

兵賊四擊殺俊遂奔裴源連營十里而俞諫與李鉉  
胡世寧高賓吳廷舉各分道進攻出賊不意大破之  
俘斬千計浩入易服匿山中其黨翁亨四擒獻之他  
賊奔玉山者爲知縣陳覽所獲奔桃源者爲李鉉吳  
廷舉所獲賊衆略盡李鉉乃還鎮餘干而萬年縣之  
變作

初插新民王重七胡念二等于萬年縣雖曰聽撫實  
懷異志其所置胥吏又多賊黨官府動息必聞而副  
使李情復嚴酷衆益憤惟憚李鉉未敢發鉉卒賊乃  
殺縣丞馬環于菱塘燬公私廬舍遂殺情及督捕指

揮邢世臣饒州通判陳連泰升照磨馬聰謀卒死者  
無算而正是桃源東鄉及江西諸縣賊俱復發乃推  
右都督劉暉代鉉討賊暉未至而胡世寧已誘擒樂  
庚二陳卯四斬之參將桂勇亦先獲茹七獻俘暨暉  
至乃合諸將平萬年賊及臨川桃源大池以至萬斛  
峰翠壁山諸寨傍及建昌豐城高安諸縣令地方官  
所在搜擊賊幾盡而宸濠方謀逆竊之陰藉爲用名  
曰寨民于是人爲謠曰賊何在在民寨王不臣賊爲  
民至濠以寨民反而王守仁起兵卽用寨民力攻之  
濠滅其禍遂息于是人復爲謠曰黃河有時清寨民



可爲兵

西河合集

蕭山毛奇齡

字晉聞  
又各姓稱

附資仲玉較  
蔡文子同較

後鑑錄 三

先是陳金俞諫討江西賊間撫問討原無大懲創而民間被害者不得雪快請兇既不自安且易之多覲覲駘廢無所施復聚為盜乃以賴地險與盡聚賴于是迤西有橫水左溪桶岡三寨按湖廣桂陽迤南有洞頭寨接廣東樂昌龍川江廣謝廟之國方千里皆亂按贛前江撫李昂于成化二十三年謂地連四

省多盜奏設分守叅將兵備副使各一于會昌縣以  
福建三千戶所江西南安瑞金二千戶所隸之益遷  
民快六七千人分屯操守而于安遠之雙橋龍南之  
下歷各設巡檢司特所以禦盜賊及弘治中鎮監鄧  
原復請增設巡撫駐紮專理輯捕當是時布政金澤  
有盛名片簡是任韓邦問繼之兩人者討賊皆無功  
及周南勦廣福諸賊則仍調土目狼達往返經年糜  
費數百萬而追勦未靖隨撲隨熾至是謝志珊據橫  
水藍天鳳據左溪鍾景據桶岡池仲容據洲頭志珊  
號征南王仲容號金龍霸王糾黨鍾明貴蕭貴模陳

曰能約束昌高快馬等大修戰具會進遼陰通賊賊  
益無忌乃以文森能使代由文森稱疾不敢赴開作  
始用王守仁撫之正德十二年正月守仁至廉諸軍  
役之通賊者或休去或用爲間諜而民間通賊先立  
十家牌法訊檢之乃監前上目狼逮征調蹂躪之害  
自籍兵備各屬之有技者汰老弱三分之一而別選  
驍勇多力縣千人補之兼署爲領事統以賢能官有  
防守者有應變出師者立兵符教習之其法有伍有  
隊有哨有營有陣有軍其特有伍符隊符哨符營符  
其說簡而詳具見兵志當是時守仁兼任裁十曰法

雖且未能行也。而澤州韓愈乃移文三省，欲請參副指揮會勦移訖，卽親率副使楊璋進兵，遇賊長富村，與賊戰，賊敗，退保象湖山，追之至蓮花石，對賊壘而軍。會廣東兵至，將合圍賊，遽潰圍出，突殺我指揮軍糧及縣丞紀鏞去。諸將懼，謂兵本未集，卽集亦未練，是何能爲？不如俟秋期，仍請調養兵，再舉而守仁叱之責以失律罪，使立功自贖。親率諸道兵進屯上杭，下令曰：「倘衆退，師俟秋期再議。」諸將譁然曰：「何？如果如吾言，賊聞之亦稍稍弛備。」守仁乃晚食，遣分兵三路，時月晦，乘晦銜枚入，直搗象湖山，奪其隘，賊驚走。

悉衆據上厝峭壁背而下諸將謂失勢將退守仁  
麾之奮而上自辰至午相持三省兵繼至從開夾上  
賊大潰乘勝追勦斬賊首詹師富溫火燒等獲七千  
餘級且預遣諸省兵遍破諸寨福建兵破長富等三  
十五寨廣東兵破木竹大重坑等一十三寨賊盡平  
班師時甫二月逮五月立兵符練兵七月上疏曰猥  
達兵不可用轉餉又困民今民兵稍練矣請假以假  
宜令無掣肘使號令得專一臣當相機盡滅諸賊或  
曰守仁之意蓋在濠也然衆昧其意且以爲狂笑之  
屢不報惟本兵王瓚許之乃先招降賊盧珂鄭志高

陳英使聽川遂勦大庾賊以其切近須先除潛師縱火破寨十九所斬賊首陳曰能獲五百十級大庾賊平乃集諸從事議曰諸寨爲患雖同而事勢各異以湖廣言之則桶岡諸寨爲賊之咽喉而橫水左溪爲之腹心以江西言之則橫水左溪諸寨爲賊之腹心而桶岡爲之羽翼今不先去腹心之患而欲先攻桶岡是進兵兩寇之間腹背受敵非吾利也况賊但聞吾檄湖廣夾攻桶岡橫水左溪必觀望未備出其不意可以得志橫水左溪破而桶岡則破竹下矣乃遣都指揮許清自南康新溪入知府邢珣知縣王天與

自上饒石人坑白面峪入皆會橫木指揮鄭文自大  
庾義安入知府唐淳季敦自大庾尋都穆下入縣丞  
舒寓自上猶金坑入皆會左溪唯知府伍文定知縣  
張戢率兵從上猶南康分入以邀奔轍守仁親率兵  
千餘直搗其巢與諸軍會乃十月初七日至南康  
去橫水三十里而軍賊抗之守仁乃夜抽鄉兵善登  
山者四百人人各執旗資銃礮由間道攀崖伏于近  
巢左右之高巖俯而覘賊旦度我兵至舉火礮應又  
預遣指揮謝良率壯士夜上竊險先發其滾木礮石  
仍伏賊巢爲內應十二日守仁驟進兵至十八面降



賊憑險迎敵。忽山頂發聲如雷。烟焰蔽天。起回視之。則紅旗滿山。謂官軍已據有巢穴。將棄險走。而謝吳兵亦自內呼譟殺而出。守仁麾益進。賊進退失據。大潰。遂破長龍等五寨。及橫木大寨。而邢珣、王天與各破磨刀、樟木、鷄湖八寨。會于橫木。唐淳被羊牯驕三寨。又破左溪大寨。而郊文、舒富、季敬各破獅子長泥、簪坑、西峰十二寨。會于左溪。會天大霧。雨糧竭。乃下令各營皆分兵爲奇正二哨。一前攻。一後拒。用土人爲導。勦諸小寨。未下者。伍文定張戢亦連破數寨。與守仁會賊悉平。而于是議桶岡之勦。謂桶岡四

寒其所由入。惟鎖匙龍防。盧祠茶坑十八畝。新池五處。然皆架棧梯壑。勢難緣登。獨上韋稍平。而紆道半月。攻取未便。今橫水餘賊悉已奔入合勢力守。善戰者其勢險。其節短。使必乘全勝之鋒。兼三日之程。爭百里之利。以頓兵于幽谷。所爲彊弩之末。不能穿魯縞者。莫若移屯近地。休兵養威。使諭以禍福。彼必從不從。則乘其猶豫。襲之何所不可。乃遣通賊戴罪官民李正巖劉福釋其罪。并縱所獲賊鍾明貴者于二十。十八日懸壁入諭之。期以十一月一日會于鎖匙龍。聽撫賊猶豫。旣而堅持不聽。然遲遲不暇爲備。至期

遣使鎖匙。龍促降。而別遣邢珣入茶坑。伍文定入西  
山界。唐淳入十八。張垓入葫蘆洞。俱初一日。冒雨  
進賊首藍天鳳鍾景方。出鎖匙龍。候命忽聞。諸軍皆  
透險震愕。急奔入內。陸據水而陣。邢珣麾兵渡張垓  
繼之。文定繞崖出。賊右賊四竄。將復由鎖匙龍山前  
奔而舒富王天與從龍口入。賊乃悉衆走十八。張唐  
淳遏擊之。賊四顧失據。會日晚。諸軍扼險守。次日進  
進賊大潰。乃破桶岡大寨。及梅伏鳥池西山界十八  
磊鐵木里。員分大王嶺二十五寨。會湖廣兵至。令許  
清。余恩留橫水桶岡以防復聚。而遣湖廣兵散勦諸

寨之未下者乃破上中下新池杉木均十餘寨又破  
魚黃寨時賊盡奔雞湖穩下朱雀坑諸寨諸將連破  
之于是橫木左溪桐岡三寨賊俱盡賊首謝志珊藍  
天鳳鍾景蕭貴模等皆面縛獻俘守仁出師凡兩月  
破賊寨八十四擒斬賊首八十大從賊三千有奇俘  
獲三千遂請于橫木等處建城設崇義驛以控之乃  
議勦荆頭先是征橫木寨時恐三荆乘間乃使人諭  
降賞以銀布諸賊心動有黃金寨賊率五百人至聽  
用獨池仲容不肯從其後破橫木竟用黃金賊立功  
仲容始畏之于征桐岡時亦遣其弟仲安來請從征

揣其意。實欲覘動靜。且乘間爲內應也。守仁知其詐。下其從征。遣截上新池。以迂其路。不使奪隘。至是桶岡破賊大懼。私爲戰守具。益備守。仁密召近剎諸縣民。被賊害者。詢之得其情。各授以方略。使歸集兵衆。俟命。而以平桶岡之故。遣使勞牛酒。至三剎。察其變。使見賊嚴備。問故。賊度不能隱。惶恐。詭語使者曰。龍川新民。慮珂鄭志高。吾離也。彼將掩襲我。故爲備。吾敢防。官軍哉。守仁作信之時。仲安在軍中。守仁啟戟門。公言。珂等讎殺大無道。移檄龍川縣。廉狀。且令仲容除道。俟興師討珂等。仲容使馳謝。謂無勞。官兵當

自防蓋不欲假道也。初盧珂鄭志高陳英三人皆龍川新民領舊兵二千爲守仁所用。故諸縣近泃則皆見勝于仲容而三人抗之。仲容恨入骨。至是檄龍川廉珂而珂等三人反。齊詣軍門告變。暴大髡及狀大髡者。仲容號也。守仁怒立縛三人將斬之。曰大髡方造弟領兵報效而敢以私怨誣罔。啟兵隙。呼仲安來前曰汝謂其弟不在耶。仲安叩頭辨。守仁愍之遂械繫珂等置重獄而密使人諭獄中令無恐。且令遣使歸諭珂弟集兵衆候命。十二月二十日守仁還至賴張樂大享將士衛巷皆燃燈鳴鼓。下令曰諸寨盡平。

吾軍士勞苦久矣宜休兵爲樂以度歲時遂令皆解甲歸臘而遣使願歷三利反論仲容勿撤備防珂弟掩襲仲容初得繫珂信喜過望至是聞論則意益大安守仁乃購仲容所親者說仲容當自投訴且曰官意如此何可不親一詣謝仲容曰欲伸者先調理也吾亦欲一往覘賴州所爲遽率黨九十三人皆悍勇齊詣賴宿祥符宮先是守仁檄諸路及龍川兵皆伏集候命其論珂弟亦如之至是遣令趨荆頭而夜釋珂等使急歸發兵然後乃出見仲容勞之張小宴令諸官屬皆次第設犒緩其歸久之度珂已至家諸州

縣兵常赴利乃大宴于庭先伏甲士引之入盡斬之  
無遺遂親率兵從龍南冷水直搗下荆時正月七日  
副使楊璋指揮鄭文知府陳祥邢珣季敏推官危壽  
指揮余恩姚璽縣丞舒富皆從破寨三十八擒斬賊  
首五十二從賊二千有奇賊乃據險伏龍子嶺官軍  
爲三衛犄角進賊走余恩遇伏幾被執適推官危壽  
救之賊復盡銳奔九連山山橫數百里四面陡絕惟  
一面得上賊尚八百人已據險官軍不敢近乃選精  
銳衣賊衣作奔抵暮至崖下賊下招之兵度險遂上  
下齊擊四路設伏絕奔候一鼓擒盡獨賊首張仲全



等二百人匿別嶼皆慟哭銜土請降遂納之凡十日  
洲平提聞仍請設和平縣以控之乃歸其後樂昌盜  
高快馬尚集一千七百人掠大庾南康贛縣上簿吳  
此戰而死守仁復平之于是南嶺千里皆無賊

彬桂在湖廣東南地多猶寇官兵累勦之不絕正德  
初土人熊福全倡亂稱延溪大王其黨劉福興李斌  
高仲仁黎穩藍友貴俱署官據烏脊山臘聚諸寨殺  
都指揮鄧吳安仁知縣韓宗堯聽選官鄭志熙朱隆  
等守以聞時上方巡遊未省也至十二年湖撫秦  
金復以聞乃敕金與贛撫王守仁廣撫陳金會勦守

仁兵素練聞命卽行秦金以參將史春領兵仍用土  
官彭世麒佐之兩廣兵亦至遂練日由桂陽魚黃熱  
水彬州紫溪臨武包籬堡爭險而進初破對里平石  
丫髻山寨斬藍友貴繼破烏龍山斬李斌繼破大小  
王山斜寮布洛角魯莊山坑坎諸寨則彭世麒生擒  
黎穩俘之繼破黃土烏泥二塘金雞寨聚子園殺李  
斌之子李仲清繼破蕤衣秀才鄧家魚黃朱廣老虎  
東嶺斬沈鸞時所鹵婦女擄兒無算悉放去或曰劉  
福興在臘栗乘輜張黃蓋樹幟焜耀山谷問是日破  
臘栗生擒之于是又破平竹木東嶺九龍江大王山

諸寨斬楊禮保遂破牛頭天堂南延莊大烏魚跳企  
山諸寨生擒李仁才肥海繼破曹雄坑扶喇良坑雞  
公背神鎬脚長灘諸寨又破盧田柏木白水磧下樟  
溪青峒十八壘石笏峽諸寨擒劉德才時所燒房屋  
無算賊墮崖死者不可勝計乃遂破上黃城背猪婆  
老虎延壽黃圃斬梁景聰方是時賊首龔福全未獲  
也乃懸購生擒五百金斬首半之或曰福全匿禾倉  
石世麒乃與弟世麟進破走馬山及禾倉石擒福全  
是日除夕福全置酒飲其別將破東坑者獲福全妻  
并從子龔秀賊平前後計斬共二千五百五十四級

俘獲一千七百八十人破寨一百二十所散歸者無算惟賊首高仲仁已遁後南贛官軍獲之廣東仁化縣界中

論曰河北之盜與江西之賊其縱橫流漫與崇禎寇同而遭奸藪積窟穴險阻則米脂烏合柳澗暴露未嘗有順成弘正百餘年之久湖湘江廣三四省之與也然而成敗頓殊興滅相友或曰正嘉竊發當宣孝休養之後卽繼之武宗之縱世宗之盤而榮衛不傷崇禎擾攘丁熹廟祿喪之餘卽繼之烈皇之治而元氣已竭其說似是而實則時無否泰人有治亂向使

殷辛必嗣桀而亡建武必繼高而興則崇侯可戮周  
赤眉不降漢矣夫剪亂貴速而除惡務本有明自仁  
宜以後代有遺寇豈無乘時奮興遞相驅除而究之  
根柢未斷以漸綿蔓其始也如斬木之有梯杵遊塵  
之有蠛蠓而既則如把龜毛如掃飛簾如割流水旋  
把則旋生旋掃則旋下旋割則旋合且其人生不足  
重死不足輕獵蠅扑蚤無關多寡而此則一失利而  
民耗餉絕軍國且重創矣故渾中巴郡以衆見滅而  
黃巾流毒三輔朱備侵頻數戰而殲之此無他櫟之  
于無餘而收其所未散也夫閭獻初起原本涓涓卽

其既橫亦豈無要隘之可扼而闔賊竄商洛而故關  
其固獻忠走達州而翻縱之出雖前乎此者十五年  
間固全無一人可稱討賊而卽此大機坐失其手捧  
河山而界之么小死且莫恤而烹其人者尚欲原其  
事而爲之解之則何心與故有明之亡在乎無兵亦  
在乎無人·侵假二正之間無項忠韓雍彭澤諸臣則  
不能稍延而無王守仁則二百年之天下其不爲崇  
禪之禍烈者蓋呼吸間也·吾故于守仁之勦賊可略  
指之爲後世鑒者方守仁未至輒時早有三省夷勦  
之議而守仁爭之謂相賊聚散隨便撲滅則旣省征

調復免供饋必欲夾攻則計賊料兵計兵料餉檄聚  
歛儲數月始辦兵未出而賊則已流竄久矣卽有所  
勦非良民則脅從耳是以兵甫撤而賊復起且夫徵  
調之兵百倍于賊前事可鑒也乃疏上而夾勦之議  
牢不可破守仁不得已復假爲夾勦之法反覆奏辯  
名雖三省而實惟一致如補闕近則先湖而後廣  
三洞近廣則廣進而湖遏其于緩急先後多方調劑  
以至於曲全夫守仁豈不欲征其數百萬給餉數千  
里爲行軍侈哉乃必爭之至再至三極至湖廣兵至  
而郢之三洞旣破而廣東兵尚未聞也蓋不承廟算

不設蓋軍不用征調不需供饋不別將吏不煩記功  
雖曰我戰則克學問固然然其思患預防之苦心亦  
可鑒矣崇禎諸臣不是之法而凡所爲者皆守仁之  
所不爲遷延狎獵以至于敗亡悲哉若夫賊盛于招  
撫列代皆然守仁云招撫之說可偶行于脇從之民  
而不可常行于怙終之寇可一行于回心向化之徒  
而不可屢施于乍服乍叛之黨旨哉言乎至于策蚤  
諸疏惟胡世寧能言之有曰舊招者不赦再叛者不  
招新起者必撲噫盡之矣

廣西馬平賊周克亮嘗伐藤山中嘗大蛇咒曰他日



貴者。施却行。咒畢。施卷身退。而其妻照水。有金花插頭上。克亮戒勿泄。然喜自負。嘉靖元年。馬平飢。克亮與從兄盜礦。無所得。遂反。僭署名號。散劫馬平諸縣界。得數萬人。總督都御史張嶺以聞。遂命嶺勦之。數月平。

王堂。青州人。以盜礦起。顏神鎮殺指揮楊浩。流劫萊蕪。新泰。臨城。曹縣諸境。山東河南俱震。時兩省兵備各以兵少。退却。第得賊出境爲幸。科臣陳時明請留山東京操軍。并調保定諸土建官軍會勦。而賊不復聚。但往來行劫。間從曹州渡河。犯河南界。且乘河冰。

合將劫漕乃復命將漕都御史俞諫以便宜勦賊自  
二年正月至三年四月始平遂請設兵備于邠神鎮  
是年安樂盜唐經亦聚衆爲壽光知縣孫峻所滅  
青羊山賊者潞州民陳卿陳綺也卿曾爲藩府長史  
司吏以失志棄去與其子綺據青羊山寨爲亂名青  
羊賊流劫潞州諸州及河南懷慶西撫常道請發三  
關兵討之大敗執指揮蔡訓知州王朝雍去道恐黎  
城知縣王良臣請巡按穆相招卿卿益肆曰朝廷何  
能爲分聚數萬人各據險隘有所謂魯班壑弄腦尖  
綻口洪梯斗崖谷堆底門樓安陽諸名官軍不敢近

如是五年巡按蔣楊初赴任因復請討而賊勝近山居民籍記編甲伍官兵屢敗廷議謂罷兵便卽不可或仍用招撫惟楊一清持勦議張璉佐之始黜常道代以僉都王應鵬同都督魯綱帥邊鎮諸兵進勦七年八月綱以大軍駐潞安仍不敢進初賊聞師至豫山山四掠本以觀變爲進退計至是乃大寇黎陽潞城殺掠民畜燒焚屋廬千里內如蒸風捲浪所過傾盪而後乃還保山險時河南林涉修武俱重被賊害河撫潘垣憤甚檄副使翟瓚牛鸞僉事陳大綱楊朝誠督兵進勦翟瓚乃掩賊不備遽奔非腦破魯班穿

腦據其內險賊迎擊敗之追至沙草嶺燒安陽等巢  
趨李莊東賊且奔且戰頃乃麾兵搗老寨賊力不支  
分其衆爲三官兵四集環被之擒賊帥殷得海等卿  
窘甚乃詣陳大綱請降其餘賊奔石返頭牛鸞盡殲  
之而執其子綺與其弟陳奉陳訪陳諒等當是時魯  
綱聞賊平揚兵同奏凱給事中夏言曰魯綱坐潞州  
未嘗見賊而飛章告捷何也卽令言勘之八年言復  
命并言潞地寬宜改州爲府而設縣于青羊山以鎮  
之遂改潞州爲潞安府設長治縣附郭而割壺關潞  
城黎城三縣地以立縣于青羊山曰平順縣